

**Uunga siunnersuut: Piginneqatigiilluni inissiat pillugit Inatsisartut inatsisaata
allanngortinneqarnera pillugu Inatsisartut inatsisaat nr. xx, xx. xxx 2018-imeersoq.
(§ 88, imm. 3-p atorunnaarsinnejnarnera).**

Ineqarnermut Attaveqaqatigiinnermullu Naalakkersuisoq

pillugu

Sanaartornermut Ataatsimiititaliap

siunnersuutip aappassaaneerneqarneranut

ISUMALIUTISSIISUTAA

Sanaartornermut Ataatsimiititaliaq suliarinninnermini ilaasortarai:

Inatsisartunut ilaasortaq Anders Olsen, Siumut, Siulittaasoq

Inatsisartunut ilaasortaq Peter Olsen, IA, Siulittaasup tullia

Inatsisartunut ilaasortaq Bentilaraq Ottosen, Atassut

Inatsisartunut ilaasortaq Justus Hansen, Demokraatit

Inatsisartunut ilaasortaq Pele Broberg, Parti Naleraq

UKA2018-imi ulloq 12. oktober siullermeerinninnerup kingorna Sanaartornermut Ataatsimiititaliap siunnersuut misissorpa.

Siunnersuutip imarisai siunertaalu

Siunnersummik matuminnga siunertaavoq kukkunerup iluarsineqarnissaa, taamaalillunilu piginneqatigiilluni inissiat pillugit Inatsisartut inatsisaanni § 88-imi imm. 3. nr. 33-mi, 23. november 2017-imeersumi nalunaarutip atorunnaartup allassimajunnaarnissaa siunertarineqarpoq.

1. Siunnersuutip Inatsisartuni siullermeerneqarnera

Siunnersuut partiinit tamanit ilusimisut iluseqartillugu akuersissutigineqassasoq inassutigineqarpoq.

Ataatsimiititaliap siunnersummik suliarinninnera

Ataatsimiititaliap siunnersuut misissorpa maluginiarlugulu, naalagaaffiup aaqqissuussaaneranut inatsiseqarnikkut kiisalu tunngaviusumik inatsiseqarnikkut iliuseqarneruvoq imaaliinnarlugu takuneqarsinnaanngitsoq piffissarlu sivisooq atorlugu

ilisimatusarfigineqarsinnaasoq siunnersuummut tunngaviusoq. Taamaalilluni nalunaarut atorunnaarsinneqarsimasoq inatsisikkut, piginneqatigiilluni inissiat pillugit inatsisitut 2017-imik ukiakkut akuersissutigineqartutut ittukkut atuutilerseqqinnejarsinnaanersoq apeqqutaavoq.

Sanaartornermut Ataatsimiititaliap paasivaa kukkusqarsimasoq kukkunerlu taanna siunnersuut manna aqqutigalugu iluarsiniarneqartoq.

Siunnersuutip aningaasaqarnikkut kingunerisassai

Siunnersuutip piviusunngortinnejarni aningaasaqarnikkut kingunerisassai siunnersuummut nassuaatini nalinginnaasuni allaaserineqarput. Tassani allassimavoq siunnersuutip akuersissutigineqarnera aningaasaqarnikkut kinguneqartitsissangnitsoq.

Siunnersummi allassimasumit allaanerusumik naliliinissaminut ataatsimiititaliaq tunngavissaqarsorinngilaq.

Ataatsimiititaliap inassuteqaataa

Tamanna tunngavigalugu siunnersuutip ilusimisut iluseqartillugu Inatsisartunit akuersissutigineqarnissaa **Sanaartornermut Ataatsimiititaliap isumaqatigiittup inassutigaa.**

Ataatsimiititaliap taamatut oqaaseqaateqarluni isumaliutissiisummilu allassimanera naapertorlugu paasinnilluni siunnersuut aappassaaniigassanngortippaa.



Anders Olsen,
Siulittaasoq




Bentriaraq Ottosen



Peter Olsen,
Siulittaasup tullia


UKA2018/216

2018



Justus Hansen

17. oktober



Pele Broberg

UKA2018/216

J.nr. 01.37.01.03-00134